

Papito Comenencia

26 ana trahando cu e mesun disfraz

Nombra como: Imagen ehemplar di Carnaval



Den mi experiencia como vocero policial ami ta mira cu e coordinacion di seguridad compara cu antes, cu cada aña e seguridad ta bira mas y mas door di tur e irregularidadnan cu ta pasando, bo ta hayabo ta haci mas pa seguridad pa e pueblo y tambe pa e carnavalistanan.

E trabao di polis ta hopi importante pa nos pueblo carnavalesco, pasobra si no tin polis pa dirigi e carnaval lo tabata dificil pa e gruponan den parada baila y goza, pasobra mirones lo strobanan. E dificil ta cu tur cos si e bai malo lo cai pa e responsabilidad di polis, no pa e ruta so, pero tambe pa e barionan.

Pa carnaval 50 polis lo pone tur polis traha pa asina nos por segura e seguridad pa nos pueblo carnavalesco. Tambe e seguridad den e barionan y tambe e personanan cu no ta bai waak Carnaval, mester di seguridad.

Mi consehonan pa Carnaval ta:

- Pueblo di Aruba ban celebra Carnaval 50 na un manera sano.
- Respeta tur hende pa asina abo tambe wordo respeta, cu otro palabra respeta bo mes.
- Goza Carnaval, pero corda cu tin otro hende banda di bo.
- No bebe di mas pa asina nos no tin desgracia fatal. Si bo ta bebe laga un otro persona stuur pabo.
- Corda riba e reglanan di trafico.
- Corda sigui instrucionan di polis.
- Traha dos grupo den barionan pa bai waak carnaval, laga grupo A waak carnaval na cumintamento i grupo B ta cuida e bario. Despues grupo B ta waak carnaval na final i grupo A ta cuida e bario.
- Asina boso por cuida boso bario contra antisocialnan.

Juancho Kock

Reconocimento: musico di carnaval

Nombra como: Tumbero di Carnaval



Juancho a cuminsa cu su participacion den e prome tumba contest na aña 72 y na aña 73 a gana e prome titulo, en total e la participa 23 biaha y e la gana 3 biaha consecutivo e titulo di Rey di Tumba.

Juancho a gana Rey di Tumba cu e tumbanan: 1973 Muchanan, 1974 Zorg pa bo haciele, 1979 Duro,Duro, 1980 Hè ban haci un cos, 1981 Pronkele, 1984 Ban cu ne, 1987 Mas Aplauso, 1989 Un Biaha Mas, e resto di biahnan e la cai den premionan y ademas a logra e titulo Sub-Campeon di A.B.C.

Juancho a recibi diferente reconocimiento pa su labor como musico y e ultimo tabata e caya dedica na su number, e caya dilanti di su cas "Karawarastraat" lo a bira Caya Juancho Kock